

瘍

醫

大

全

瘍醫大全目錄

卷三十

幼科諸瘡部

小兒初生無皮門主論附方

小兒初生遍身魚泡門主論

小兒初生夢生門主論

小兒初生黃腫門主論

小兒初生鼻塞不通門主方

小兒初生穀道不通門主論附方

小兒初生小便不通門主方

胎毒門主論附方

胎瘤門主論

奶癰門主論附方

燕窩瘡門主論附方

洋鬚瘡門主論附方

肥瘡門主論附方

黃水瘡門主論附方

白蛇串門主論附方

白禿瘡門主論

附方

赤遊丹門主論

附方

香瓣瘡門主論

附方

鍊銀瘡門主論

涇尻瘡門主論

面上熱毒惡瘡門主方

暑痘門主論

附方

癰子門主論

附方

軟癰門主論

附方

癰瘡門主論

附方

痔瘡門主論

附方

瘍醫寶鑑卷三十

蕪湖顧世澄練江氏纂輯

晉錢之栢東陽

男 槐燮用和

全校

幼科諸瘡部

自初生起至胎毒瘡丹疔毒止皆彙於此部中以便

檢閱參治

小兒初生無皮門主論

小兒初離產門遍身無皮有兩種一是父母蘊積楊梅淫毒遺於嬰兒是以無皮用早米粉伏龍肝撲之皆效一是船戶在船生產金木水火皆全所缺者土耳但將嬰兒放岸上土地睡卧得土氣其皮自生

新增

申斗垣曰子在母腹中母食五辛或父母曾患梅毒致令生子渾身無皮如湯燻去或頭面半體無皮名曰渴皮瘡宜玉粉散參之

玉粉散用桂府滑石水飛一兩甘草三錢

冰片二分  
研細撲之  
勿用解毒藥  
以玄



小兒初生無皮門主方

凡生下遍身無皮但是紅肉者

錦囊

速以白早米粉乾撲候生皮方止

又方

寶漢卿

伏龍肝研末雞蛋清調塗

又方

土墜泥研細塗之

小兒初生遍身魚泡門主論

凡生下遍身如魚泡碎則成水流疹者

錦囊

密陀僧研細乾摻仍服蘓合香丸

小兒初生夢生門主論

孩兒生下不能發聲謂之夢生多不知救殊爲可憫  
切勿斷臍帶將火炙令煖氣入兒腹內更以熱湯  
盥洗臍帶却取猫一隻用青布袋包裹其頭足使  
伶俐婦女掣住此猫向兒耳邊以口着力咬破猫  
耳猫必大叫一聲兒卽醒得生

倘因難產或逆產生下或冒風寒舉之遲氣欲絕不  
能哭者以父母真氣度之亦活或先紮臍帶以大  
油紙撚燎之燒斷此又回生起死之要法也

或以手鏡向兒頭敲鏡聲並呼其父乳名兒卽啼矣  
駱潛庵曰嬰兒受母胎中熱毒心寒氣散落地無聲  
名曰啞口速服延壽丹少許卽愈

或以煖水一器灌之須臾自啼

或以葱白徐徐鞭之卽啼

或令將前後門齊開着人在街上兩頭呼其父乳名  
從街上直呼至產婦房中兒卽啼矣

小兒初生黃腫門主論

凡小兒初生遍身黃腫如膽眼閉呻吟腹脹者緣母  
懷胎之時服寒涼剋削之藥太過也

錦囊

小兒初生鼻塞不通門主方

小兒初生鼻塞不通乳不得下得效

猪牙皂角

草烏各等分

研細用葱涎調成膏塗顙門上卽通

又方

紅糖

蘼艾

麝香

共搗勻隔水燉熟敷顙門上以紙蓋之過宿卽通

又方

用連翹葱一根放碗內沖滾水以盞蓋之將兒抱  
在床上放下帳子以碗對小兒鼻孔薰之額上汗  
出卽通

小兒鼻塞不能喫乳

醃 三合

青木香

零陵香 各四分

三味煎成膏取少許擦九塞鼻中或以膏塗額  
門氣通以溫水洗去

又方

通 草

北細辛

各一兩

研細末以綿纏如棗核大藥如豆大放綿頭上  
納入鼻孔內一日二次卽通



小兒初生穀道不通門主論

小兒初生穀道不通有一種內有薄膜遮住胎糞不能痢下通之胎糞自利可生有一種肛門長皮並無竅眼者危有用金刀割開胎糞自利亦有生者必須知覺早方能有救若遲延胸腹脹突面色青白不能吮乳者不治

新增

曾有一兒肛門內有一隔膜大便瀉時尚不啼哭遇大便乾結時必啼哭喊叫面色紫漲掙下大便如刀劈開者三四歲時一醫以金刀割開隔膜出血

時以黑藥止血不過焮腫數日全安

新增

簡便方曰所謂悶臍生者小兒初生糞門有一膜遮住兒氣故不能出聲拍之則膜破而能啼哭須用輕巧婦人以銀簪腳輕輕挑破甚便或不能挑急用煖衣緊包勿令散放以熱水浸其胞衣寒天則加火熱之久則熱氣內鼓其膜自破聲出而甦矣

小兒初生穀道不通門主方

急救方

用葱頭一個去鬚留涎蘸麻油潤入肛門內胎糞  
自利

一法

以戟桿蘸油潤入肛門自通

小兒初生小便不通門主方

驗方

人乳四合 葱白一寸

全煎分爲四服小便卽通

## 胎毒門主論

馮魯瞻曰後天諸毒易辨先天所中難明輕則發而爲瘡也起似風癩漸成細瘰一作搔癢即濕而起片如鮮白頭遍體上下隨感而發其瘡有虫故名虫胞謂從胎胞而來也總是濕火相乘血熱毒盛腠理愈開淫毒益熾癢爲氣虛楚屬血虛其證屬腑旋久而氣血兩虛則因熱而起又因熱乘虛而內攻矣治宜托裡解毒爲主然愈時結聚於頂者六陽諸毒上衝火毒炎上之徵也若初起便發於

頂者胎毒壅盛上叅陽位也如髮稀而有白屑至久不愈者卽名禿瘡亦有年長而患腦疳白禿不生髮者蓋足少陰腎其華在髮因疳熱血氣損少不能榮髮耳有收在四肢者是日久脾虛濕熱感襲也其驚瘡者驚本無物因蹉其血氣在臟爲積在腑流溢皮膚而爲瘡也戀銀瘡者眉間生瘡是肺熱也風瘡者亦發遍身其形甚小俗呼謂疥也虫窠瘡窠內有虫如細蟻子者是也諸瘡治法若痛癢不可忍者及性急面黑而血熱者宜苦寒如

今連苦參之類體胖之人宜祛風燥濕清火爲主  
如久病之後濕蒸於外達者但宜補托切勿多浴  
塗遏致毒內攻然諸瘡雖屬心火當用寒涼但熱  
則行寒則凝凝則毒皮滯而難痊故莫如透肌解  
毒和血養陰則風火息而燥癢除且氣血充固諸  
毒不能爲患矣若痘疹之後生瘡者餘毒未盡也  
亦宜化毒和血若瘡前發驚與夫瘡後發驚者皆  
因瘡而致也並宜理瘡爲主至於一切胎毒俱宜  
涼血清熱解毒發散於外切勿輕從外治以致熱

毒內攻卒成不救小兒臟腑嬌嫩易入難出耳若至瘡色焦枯肚腹青黑者生瘡而無膿汁者或遍體皆瘡毒發於肋或在少腹或在頂門腫起者並皆不治

錦囊

陳實功曰小兒遺毒爛班乃未生前在於胞胎稟受或因父母楊梅瘡後遺毒既生之後先發紅點次成爛班甚者口角穀道眼眶鼻而皮肉俱壞多妨乳哺啼叫不安初治宜早用土茯苓湯調人中黃末每日數次共飲四五分外用解毒紫金丹磨塗



患上茲者可保十之三四遲則爛斑遍身不乳百  
中難治一二此根蒂受毒之深也 正宗

又曰胎毒瘡乃母食辛熱厚味遺毒於胎則生子生  
瘡治之當戒發物及母慾後乳子不然恐難除根  
也

又曰有等小兒初產背上有大孔窬一二個但內中  
有膜完護臟腑者得生如無膜露見臟腑者即死  
無救如有膜者以補中益氣湯與產母服之乳兒  
自能長完亦有雖活三五歲而死者有之

陳遠公曰小兒生半歲或一二歲忽身上手足肚腹  
頭面臂上長成大瘡久變爲毒百計治之不效此  
非兒毒乃父母之毒當日結胎或感楊梅毒氣坐  
胎之後或感淫氣火邪以至貽害小兒治不得法  
多半死亡吾遇異傳治此症已數十人矣吾不傳  
方則負異人之善念而小兒無方失救不猶吾殺  
之乎用金銀花二兩生甘草天花粉黃藥錦地羅  
各三錢人參二錢水煎服二劑毒全消倘外口不  
愈另有外治用蝸牛生甘草兒茶樟腦黃丹水粉

枯礬各三錢冰片輕粉各一錢地龍糞五錢麝香  
三分爲細末麻油調敷數日瘡內生肉瘡口外歛  
真神方也輕者用煎方不必外治重者內外合法  
無不速痊余從萬世起見將方傳世願人廣傳體  
余之心爲心勿自試爲私秘不傳以受天譴永鑑  
汪省之曰小兒遺毒爛班乃在胎胞稟受故旣生之  
後熱湯洗浴烘薰衣物外熱觸動內毒始發理例

錢青榆曰小兒胎中遺毒患赤剝楊梅瘡並無皮膿

血淋漓瘡瘍名曰竹衣乖竟有胎胎皆然者

勿科良方

駱潛庵曰胎中受母熱毒致生胎毒病症三朝一七  
十日半月之內最難救治五六日尤難速服延壽  
丹豆大三粒卽愈

推拿  
秘書

胎毒門主方

胎毒

兒茶五錢焙研獐猪膽汁調勻煎滾冷定將瘡用甘草湯洗淨敷之

又方 啟玄

大楓肉 十五枚

白膠香 三錢

烟

膠 二錢

輕粉 一錢

共研細用雞蛋黃熬油調搽如瘡加枯礬五分

又方

驚甲煨存性研細麻油調搽

竹衣乖內服丸方

勿料良方

真西黃

三分

硃砂

雄黃

各七分

乳香

去油

沒藥

去油各五分

麝香

一分

山慈菰

一錢

右爲末蜜丸重三分金銀花湯每日調服一丸

取愈

竹衣乖搽方

白蘆甘石

煨過淬入黃連汁內三次童便內四次一兩

赤石脂

煨

紫甘蔗皮

燒炭存性

兒

茶

各五錢

黃

栢

猪胆塗炙七次七錢

眞菰豆粉

炒七分

冰

片

五分

共研細用蘇油入雞蛋黃煎黑去渣候冷調搽

卽愈

小兒胎熱眼腫赤壯熱啼哭及身上紅腫或頭頂瘡

癰耳出膿汁此方神效

赤水玄珠

鬱金

天花粉

甘草

乾葛

桔梗

薄荷葉

各等分

共爲末白湯調下五分或一錢仍用艾葉煎湯

浸足底引熱下行

胎毒捲皮火奶癰戀眉神方

人中黃 三分

川貝 每

去心研  
二錢

金銀花 二錢

白水煎徐徐服服至全愈而止或用金銀花八兩川貝每四兩熬膏入人中黃二兩成膏每早晚量兒大小白湯冲服一二匙更妙

仙傳延壽丹 駱潛庵

治小兒胎毒啞口口噤臍風馬牙鵞口重舌木舌風熱脾熱積熱骨蒸壯熱夜啼火眼翳障一



切火症如神

錦紋大黃 十觔

右切片先用白酒或黃酒浸兩晝夜入砂鍋煮  
一枝大香取出鋪在板上晒極乾二次三次亦  
如之到四製用藥本煎汁浸一晝夜煮晒如前  
五製用車前草摘來洗淨酒水搗汁浸煮晒如  
前六製用向東南側栢葉清晨採來水洗搗汁  
浸煮晒如前到後三製仍用酒浸煮透晒至九  
次止晒半乾便入石臼搗爛爲丸或重一分三

分一錢二錢三錢看見大小火症輕重加減用之

秘方

鮮半枝蓮搗汁掃上以搗煎湯洗卽效

又方

慎火草搗汁搽

胎瘤門主論

蔣示吉日初生小兒頭上胸乳間腫起大如偃首小  
似李梅此乃胎中瘀血凝滯而成須候小兒滿月  
已外方可用針刺破內如赤荳汁乃安內服五福  
化毒丹

說約

心法曰胎瘤乃胎前孕婦積熱以致胞熱更兼血瘀  
結滯而成多生頭上及胸乳間初如李核漸大如  
偃色紫微硬漫腫不甚疼痛如嬰兒初生卽有者  
候過滿月熟透方可針之放出赤荳汁或膿汁其

腫卽消若滿月後生者必待膿鼓熟透再針

吳半千曰紅絲瘤一名胎瘤發無定處由小漸大嬰兒落草或一二歲之間患之瘤皮色紅中含血絲亦有自破者治法雖同胎瘤但此患由先天腎中伏火精有血絲以氣相傳生子故有此疾終爲火證亦難收斂

奶癰瘡門主論

陳實功曰兒在胎中母食五辛喜殮炙煖遺熱與兒  
生後頭面遍身發爲奶癰流脂成片睡臥不安搔  
癢不絕治以文蛤散

正宗

吳半千曰小兒初生奶癰類乎疥癩初起手足次延  
腹背纏綿不已用殭蠶不拘多少去嘴研末煎湯  
浴之或一日一次毒必發出然後用青黛散搽之  
心法曰此證初生頭頂或生眉端癢起白屑形如疥  
癰由胎中血熱落草受風纏綿此卽乾癩瘡有悞

用湯大洗皮膚起粟搔癢無度黃水津滯延及遍  
身卽成濕癩瘡乾用潤肌膏濕用黃柏頭末滑石  
和勻乾摻癢甚者用烏雲膏

奶癬瘡門主方

蚊蛤散

蚊

蛤 四兩

輕

粉 五錢

點紅川椒 二兩

先將蚊蛤打成細塊鍋內炒黃色次下川椒同炒黑色烟起爲度入罐內封口存性次日入輕粉研爲細末謹收貯香油調搽乳母戒口爲妙

又方

川貝母 去心

金銀花 各等分

共爲末煉蜜爲丸每重一錢白湯調下

又方

大楓肉

黃

栢

各五錢

蛇床子

二錢五分

枯礬

雄

黃

各一錢

輕

粉

一錢三分

共爲末臘猪油調搽

小兒奶癬及滿頭遍身黃水瘡

白麩不拘多少香油拌勻作粗火燒存性爲末再

用眞香油調搽

青黛散

青黛

黃栢

枯

礬



雄黃

百藥煎

硫黃

各等分

共研細濕則乾摻乾用香油調搽以愈爲度

又方

如意草搗爛塗之

烏雲膏

松香二兩硫黃一兩研勻香油拌如糊攤南青布  
上半指厚捲成條線紮緊再用香油泡一日取出  
刮去餘油以火點着一頭朝下用粗碗接之布灰  
陸續剪去將滴下油浸冷水中一宿出火毒搽之

奶癬並捲皮火

雞蛋

七個煮老去白

杭

粉三錢

調搽

又方

餛子滾水泡透去餛只以湯洗之

又方

雄黃一錢

食鹽一分

共研細蘇油調搽

奶癬多生耳後

令伊母嚼白米成膏塗之

羊鬍瘡門主論

申斗垣曰下唇下巴骨生瘡故名乃任脉經濕熱所  
生也在承漿穴地角邊宜除濕清熱藥主之

啟玄

羊鬍瘡門主方

羊鬍散

申斗垣

烟膠五錢 輕粉一錢 羊鬍鬚一撮  
燒灰

共研濕則乾摻乾則油調搽之

肥瘡門主論

陳實功曰肥瘡由胎毒而成者少因飲食之後油手  
摩頭或枕頭不潔而成者多 正宗

申斗垣曰此瘡宜槐條煎湯洗淨以烟膠枯礬輕粉

研細熟油調搽 啟玄

馮魯瞻曰此瘡乃臟腑不和之氣上衝血熱之毒上  
注小兒陰氣未足陽火有餘故最多犯之宜內服  
連翹天花粉荆芥防風貝母元參赤芍藥生地黃  
牛旁子清熱解毒涼血和血之劑俟毒氣少解方

外用藥以塗之切不可驟加寒涼塗過以致熱毒  
內攻不救蓋小兒臟腑嬌嫩易入難出也 錦囊

肥瘡門主方

肥瘡

胡黃連

輕粉

雄黃

各三分

膽

礬二分

枯

礬一錢

猪蹄鞋

三個煨存性

研細將瘡洗淨搽之

又方

肥皂子煨存性研末猪膽汁調搽

又方

松香

血一丹

各等分



研細豬板油搗汁青布捲條燒之取油搽

又方

東丹

八分

枯礬

一錢

真鉛粉

松香

各二錢入葱管內飯上蒸化待冷去葱用

共研細末熱香油調搽

又方

黃花

燒灰

輕粉

少許

研勻乾搽

小兒頭上肥瘡黃水瘡梅花禿

銅綠

松香

各三錢

黃蠟

二錢

香油一兩五錢熬勻塗之

頭上生瘡俗名黏瘡絕妙方

集驗

海螵蛸

二錢

白膠香

輕粉

各五分

研勻清油潤瘡以藥乾摻

肥瘡極凶者

苦參

何首烏

當歸

歲靈仙

甘草

金銀花

胡麻

石菖蒲

連翹

生地

蟬蛻

酒水全煎

又方 鴻禧東房傳

大楓肉 五錢

白信 三分

油核桃 五個

共搗勻作三丸夜間取一丸在心口用手擦至  
二更天藥氣散開仍聚胸膛仰面而臥次夕亦  
然間一夜再擦一丸七日後全愈

頭面肥瘡 經驗

輕粉

飛血丹

白礬

雄黃 各等分

研細裝入葱管內兩頭裝煨過加龜版灰少許  
研菜油調搽之效

黃水瘡門主論

申斗垣曰黃水瘡又名滴膿瘡

啟玄

陳實功曰頭面耳項忽生黃泡破流脂水頃刻沿開  
多生痛癢此因日晒風吹暴感濕熱或內殮濕熱  
之物風動火生者有之治用蛤粉散或四味異功  
散搽之 正宗

馮魯瞻曰面上耳邊生瘡時出黃水浸淫不愈名曰

香瓣瘡 錦囊

凡初起細瘡手少動之即破毒水流入何處即生大

水泡瘡卽爲黃水瘡此熱毒鬱於皮毛也當以湯洗之

秘錄

黃水瘡門主方

四味異功散

松

香煉老

生

礬

枯

礬

銀粉

各等分研細先將搗猪湯或米泔水熬洗去淨  
瘡靨拭乾穢水乾則麻油調搽濕則乾摻

面上黃水瘡

酸棗

荊芥

羊

鬚

各煨灰存性一錢

鉛

粉

五錢

研細先以槐條煎水洗淨將藥敷上其瘡自好  
洗法 岐天卽

雄黃 防風 各五錢

水十碗敷滾去渣取汁洗瘡卽愈

又方

鉛粉用菜油調塗磁碟內多捲紙卷點着合薰時  
時攪勻待遍黃聽用將靨剝去搽上立愈

又方 周氏抄本

雄猪膽一個黃柏一兩浸焙乾爲末摻之





白蛇串門主論

申斗垣曰白蛇串卽白蛇纏生於腰間兩頭如蛇形  
兩頭相合則必不能救矣按綱目剪春羅條下治  
火帶瘡遶臍腰腹生者採花葉搗爛蜜和塗之卽  
愈大法宜隔紙膏

啟玄

白蛇纏腰乃腰裏起一紅泡圈子若不早治被其纏  
到者不救纏腰者如袴腰樣也

錢青榆

竇漢卿曰白蛇串卽白蛇纏又名蛇窠瘡

全書

朱丹溪曰此瘡因衣服被蛇遊過或飲食中受沾蛇

毒入於皮毛致生瘡且痛可用艾灸之瘡頭上或以松針刺血取蜈蚣浸油搽之或酒調白芷雄黃搽之

澀  
曰此患多起於腰間若不急治則瘡形灰爛首尾搭頭無救

白蛇串門主方

劈毒立消丹 吳羨相

治白蛇纏並蛇蝎蜈蚣瘋犬咬毒腫痛垂危者

雄黃 一錢五分

麝香

冰

片 各一分

牙硝 二錢

右藥端午午時虔誠修合遇症點男左女右眼

大背內痛一盞茶時即止其腫漸消其痛漸止

三日全愈

隔紙膏 曹羽文

雄猪油、去皮膜熬化冷定入劈毒立消丹再加麻油二茶匙飛丹三錢收用攤隔紙膏貼之神效

又方

鱧魚血調雄黃末敷上即焦神效

又方 秘本

蛇殼一條煨灰存性坑厠板上浮泥刮下同研細用童便調敷數次一二日即愈

又方

白芨 八錢

水龍骨 糞船者妙  
一兩

共研細無根水調敷

又方

鍋臍灰研細臭淘米泔水脚子調敷

又方

用紫綿紙三張作三長條以火點着從初起瘡上  
烙至瘡尾卽將紫綿紙灰用燈蓋油脚調勻搽之  
每日一次三日全愈

又方

猪窠草燒灰麻油調搽

禁法

取蛇神紙馬

如舖中無此紙馬可用黃團花摺成長條狀如蛇形頭寬尾細放蛇

窠瘡上一面遊繞一面禱祝曰家蛇歸洞野蛇上

大路再將各種蛇名隨意念幾遍叫他上大路

如菜

花蛇叫他上大路赤煉蛇叫他上大路鳥稍蛇叫他上大路水蛇叫他上大路禱祝畢即

將蛇紙順攔患者家歇房門口門檻上蛇頭向外

取艾團三個頭中尾安三處用火灸艾俟艾燒盡

再將蛇紙艾火一全燒灰搽瘡上即止疼如未全

愈次日早晚仍照上法治之不過三日瘡頭乾枯

神驗

又方

陳壁土

頭髮灰 各等分

麻油調搽

又方

人

髮煨

黑驢糞煨

牆上青苔 各等分

共爲末香油調搽不過三次愈

又方

側柏葉

黃栢

韭地蚯蚓糞



生大黃 各五錢

赤小豆

雄黃

輕粉 各三錢

研細用新汲水或香油調搽

又方

鮮鱖血塗

又方

黃粟米焙研細麻油調搽

又方

乾艾葉搓爲紙撚燒烟薰至黃色卽住神效

又方

灶心土乾研清油調塗

白禿瘡門主論

陳實功曰白禿瘡俗名癩瘰乃剃頭時腠理司開外風襲入結聚不散以致氣血不潮皮肉乾枯遂成白禿瘡久則髮自脫落

正宗

申斗垣曰禿瘡乃足太陽膀胱督脉二經受濕熱生虫作癢瘡痂高堆是也風襲則起白屑熱甚則禿久則傷孔不生髮也治當消風除濕殺虫止癢養血

厥玄

汪省之曰白禿瘡久則髮落根無榮養如禿班光澤

不癢內血不潮以薑擦潤肌膏常擦其髮漸生如  
禿班乾枯作癢者內必有虫宜用殺虫之藥治之  
理例

白禿瘡門主方

驗方

仙人垢

即死人棺底垢膩也

不拘多少用鯽魚一尾香油煎

熟取油調塗一銅錢厚

又方

黑桑椹子入瓶晒二十一日化水洗之

又方

香油一觔入活蜈蚣十條浸一月後晒二三日收

藏鵝翎攪之

又方

乾蜈蚣不拘多少入瓶內真蘇油浸一七將頭剃淨用油搽之

又方

蜈蚣三條雄黃三錢研細密貯鮮鯽魚一尾菜油四兩熬枯去油將滾油沖入瓶內浸七日剃淨頭搽之

又方

百草霜研細蘇油調搽

又方

雞蛋一個麻油二兩煎枯取油用尖檳榔粗碗底磨化加硫黃花椒末各三分攪勻搽之

又方

厚朴四兩麻油半觔全煎待冷搽之

或研末水磨油調搽亦效

又方

百草霜

一兩

榆皮

三錢

窖內燒紅土

四兩

膽礬

六錢

輕粉

一錢

研細剝頭後豬膽汁調搽

香薷煎

馮氏

治白禿不生髮燥痛

陳香薷二兩

胡粉一兩

猪脂五錢

水一大盞煎香薷取汁三分去滓入胡粉猪脂  
和勻日日頻塗之

洗癩頭

蝸牛三十條水三碗煎湯洗之二次全愈

禿頭生髮

秦椒

白芷

川芎各一兩



蔓荊子

雲苓

香附 各五錢

俱生用剉碎絹袋盛浸香油七日取油日三度擦無髮處其髮自生切勿令油滴白肉上

禿瘡有蟲癢痛

啟玄

烟膠 五錢

水銀

雄黃 各一錢

枯礬

輕粉 各五分

研細用陳臘猪油或馬脂油調搽

多年治不好的禿瘡

啟玄

輕粉 一錢

枯礬 三分

用番木鱉不拘多少以油煎枯去木鱉用油調  
搽

梅花禿胎毒辣癩

雄猪毛一具揀淨洗去油膩陰乾入陽城罐封固  
火打三炷香冷定取出爲末每用五分香油調搽  
先用花椒葱白煎湯洗透待乾搽藥二七全愈髮  
出更佳

瘋癩瘡

積德堂陸氏

酒肉店內油透陳竹燈掛一個劈碎裝磁瓶內口

上用舊髻鐵絲覆瓶口上倒轉下再用一空磁瓶  
以此瓶合於下瓶口上用火煨之其汁溜下取之  
搽上神效

又方 積德堂

石灰壺內燒過紅土墜流結上渣輕虛色頰者四兩

百草霜

雄

黃

各一兩

膽

礬

六錢

榆皮

三錢

輕

粉

一錢

研細刺頭猪膽汁調搽

又方 周氏抄本

黃連末猪骨髓調搽

禿瘡

鴿子糞新瓦焙存性研細蘇油或菜油調勻聽用  
如瘡靨堆起可用清米泔水同葱川椒煎湯洗去  
搽上三次無不愈者

又方

澀青二兩

銅

綠

一錢五分

黃

蠟

麻

油

各一兩五錢

火熬膏攤貼神效

癩癰白禿

狗油炙馬前子浮起研細先用宰猪湯洗淨搽之  
毡帽包頭過三日一掃光

小兒頭上白色圈圍白禿

蒜瓣每清晨揩白禿上自愈

癩瘡

松香

明礬

猪板油搗搽卽愈

小兒白禿

鮮鱔魚一條搗爛敷

又方

生鷲油塗在頭上用舊鞋底洗淨烘熱擦之擦盡  
白皮一連數次不可洗去

又方

大紅棗一枚去核填砒霜入內令滿紮緊炭火燒  
焦存性研細米泔水洗淨後塗之

又方

生黃豆炒黃研末香油調搽

肥油膏

吳半斤

脊木鱉

六錢

當歸

熬

蘆

各五錢

黃栢

苦參

杏

仁

狼毒

白附子

各三錢

鯉魚膽

三個

用香油十兩熬至黑黃色去渣入黃蠟一兩二錢溶化以布搥過收貯每用少許用藍布裹手

蘸擦

躑躅花油

躑躅花根

四兩  
搗爛

用香油一盃熬枯去渣入黃蠟少許濾清候冷  
青布蘸搽日用三次瘡帽戴之勿令見風

又方

驢油頻搽患上瘡愈髮長

連床散

治癰瘡及手足身上陰器膚囊抓爛淋漓

黃

連

五錢

蛇床子

二錢五分

五倍子

一錢二分半

輕

粉

二十  
五貼

爲細末先以荆芥葱白煎湯洗拭候乾清油調敷



赤遊丹



赤遊丹門主論

內經運氣丹燦皆屬火

經曰少陽司天客勝則丹癰外發及爲丹燦是也

聖惠云夫一切丹毒者爲人身體忽然變赤如丹之狀故謂之丹毒也或發手足或發腹上如手大皆風熱惡毒所爲重者亦有疽之類也若不急治則痛不可忍久則壞爛出膿血數升若發於節間便令人四肢毒腫入於腹則殺人小兒得之最爲急也

戴復庵曰發丹色狀不一癢痛亦異大槩因血熱肌  
虛氣邪所搏而發然色赤者多以赤故謂之丹有  
發而色白謂之冷癩此病多緣肌肉踈爲風邪所  
襲而成風熱則赤風冷則白今人但呼赤爲丹白  
爲癩古方亦名爲癰癰非特分寒熱亦兼脩四氣  
近世方論呼爲白婆癩赤爲血風

朱丹溪曰內傷癰者胃氣極虛一身如火遊外所致  
宜補以降之

劉涓子鬼遺方云丹者惡毒之瘡五色無痛者爲丹

毒癢者爲風丹

陳實功曰赤遊丹又名火丹乃心火妄動三焦風熱  
乘之故發於肌膚之表有乾濕之不同紅白之各  
異乾者色紅形如雲片上起風粟作癢發熱此屬  
心肝二經之火治以涼心瀉肝化斑解毒湯主之  
濕者色多黃白大小不等流水作爛多痛此屬脾  
肺二經濕熱宜清肺瀉脾除濕胃苓湯主之腰脇  
生之肝火妄動又名纏腰丹柴胡清肝湯主之甚  
者急以細磁銚砒血精猪肉片貼之

正宗

許學士曰飛竈丹從頭頂紅腫光起

宜葱白自然汁調白芨末塗

吉竈丹乃勝胱經風熱從頭上向腦後紅腫

宜赤小豆

紫荆皮末用雞子清或酒調塗

鬼火丹乃手足陽明經風熱從面

上起紅腫

宜蜜調製栢散或雞子清調伏龍肝末塗之

天火丹乃腎經

中熱毒膀胱風熱從脊背起赤腫

宜一二年陳羊油熔化調養活

末塗

天竈丹從兩臂赤腫少黃色或一臂乃手陽

明風熱

宜柳枝燒灰水調塗之或冲和膏塗

水激丹兩脇虛腫紅熱

乃足少陽膽經風熱

宜有孕母猪尿燒灰臘水塗之

胡吹丹從臍

上起黃腫者是任脉中熱與濕

宜醋調楨榔末塗或酒調冲和膏塗

野火丹從兩脰上起赤腫如火燒乃是陽明經中

風熱

宜羊油調乳香末塗或搗火丹草和醋塗或水調白芨末塗之

烟火丹從兩

足背上起赤腫痛乃是三陽經風熱亦有足底心

起是足少陰腎經大熱

宜香油調猪石槽下土胡塗之或蜜調製栢散塗

漏丹從陰上起或黃腫赤腫乃是厥陰肝經虛火

發於外

宜羊油調屋漏土塗之或調製栢散醋塗

又曰此俱小兒受胎內之毒如三日不治攻於腸胃

必死

又曰凡小兒未滿百日發丹不拘是何丹必死

竇漢卿曰遊丹發於頭者何以治之必須將患兒眠  
在床上以脚跟一頭加磚一二塊以墜毒氣於頭  
再用磁鋒砭之使毒氣毒血皆從頭頂而出若乳  
母抱立在身砭之則毒氣順下遂壅咽喉必難生  
矣近觀同道之友顛倒砭之不得其手法以害諸  
兒故不辭瑣瑣又申明之

又曰凡丹入於腹中飽悶臍凸體若燔炭者死  
又曰內丹從脇下至腰下腫發赤色至腰則死  
申斗垣曰內丹言赤色如塗朱映於肉裏故名內丹

似板而微腫如發於淵液金門等穴或右或左皆  
少陽膽經一二日者可治如連腰臍青紫及大痛  
或大小便不通皆不可治死之必矣

啟玄

又曰夾痘丹者赤也如塗赤朱於皮膚之上乃熱毒  
蘊蓄惡血命門相火合而發起與痘相兼而生如  
霞片浮而薄者易治厚而紫者難痊當順天時若  
暑熱以通聖辛涼之劑解之嚴寒以升麻葛根辛  
溫之劑解之痘瘡既發正合其宜又有失於調護  
受風熱則血沸騰感寒冷則血凝泣亦可用塗敷



之法於外

又曰丹從腹往四肢者生從四肢入腹者無救

蜜漢卿曰赤丹急用磁鋒砭去紫血自下而上則毒  
血流上不可逆砭急用乳香末雞子清調勻塗砭  
處時以芭蕉根汁塗之

又曰又有一種爛皮火丹用蓮蓬煨面粉伏龍肝黃  
栢末和勻乾摻

李東垣曰丹毒者謂人身忽然赤如塗丹之狀故謂  
之丹毒世俗有云赤瘤或因有瘡誤而相觸四畔

歟赤謂之瘡瘤凡丹毒之疾皆遊走不定狀如雲  
氣者是也小兒得之最忌百日之內謂之胎瘤以  
其氣血嫩弱臟腑柔脆難任鑲針所以忌也

馮魯瞻曰赤紫丹瘤皆心火內鬱而發赤如丹砂故  
名曰丹因熱毒客於皮膚搏於氣血而風乘之陰  
滯於陽則發丹毒熱極生風片刻之間遊走遍體  
虛熱則癢實熱則痛自腹而達於四肢者易治自  
四肢而歸於腹者難療書雖有五色之分十丹之  
異總不出血熱而屬於心心火內熾客風外乘風

勝則樹木皆搖故令遊走殊速名之丹者以應心  
火而色赤也色紅者生白者氣虛挾痰紫者毒盛  
色青如苔者死赤者名赤遊丹熱毒感之深也其  
狀赤腫片片如臙脂塗染或發於手足或發於頭  
面胸背令兒躁悶腹脹其熱如火痛不可忍遊走  
遍體流行甚速須急治之若一入腹入腎卽不可  
救白者名曰白遊風感風濕之輕症也其候流塊  
作癢壯熱增寒鼻塞腦悶咳嗽吐逆其治之法赤  
者清涼解毒甚則砭去惡血以藥塗之白者不過

疎散滲濕而已火灼瘡者先天之熱毒也火走空  
竅故必於口鼻眼目陰囊糞門之處紅點如癰漸  
成紅泡踰日而穿赤色無皮如湯火燂炙之狀痛  
苦殊甚腫臥不安一二日間周身能腐若至顙門  
腫氣陰毒腫亮者不治及一切丹毒入臟臍突出  
漿面頰紫浮噎氣不乳手足拳禁大小便絕胸背  
血點舌生黑瘡心胸紫腫者皆爲不治然小兒臟  
腑嬌嫩凡一切丹毒必先內服解毒方可外敷蓋  
毒易入難出肌肉受傷其害輕臟腑受傷其害速

耳 錦囊

陳實功曰小兒赤遊丹乃受毒於未生前發病於有生後蓋身在胞胎皆賴父精母血藉以生養父母不能節其慾多致滯火猖熾胎必侵受既生之後熱湯洗浴烘薰衣物觸動內毒欲發之時先必發熱啼叫驚搐次生紅腫光亮發熱瞬息遊走無定發無定處先從頭額起者名天牽丹治以升麻葛根湯母子全服餘皆起於腹背腹背流入四肢者輕起於四肢流入胸背者重有此總宜砭去惡血

爲要砭血之後先用猪精肉縫片貼之一時許以  
金黃散用水芭蕉根搗汁調敷如毒氣入裏腹脹  
堅硬不乳者紫雪散下之三日後身漸徹涼砭血  
之處肉便軟活聲清腹軟乳哺如常者順反此爲  
逆 正宗

錢青榆曰天火丹從背上起赤點疤桑白皮爲末水

激丹從兩脅虛腫起生鉄剉末猪糞調塗之纏腰丹腰生一

紅瘤兩邊生紅筋纏至臍必死金墨磨濃和雄黃末塗之冷丹

白色塊者用姜皮一撮煎湯洗之熱丹紅色塊者紫背葶苈煎湯洗之

丹瘤或生頰下如櫻桃突出色赤而光者是也以宜

綿羊腦子全朴硝研爛貼患處立效丹疹遍身紅點如洒硃者是也

用防已半兩朴硝犀角黃芩黃芪升麻各一錢加竹瀝煎服即愈火丹遍身紅腫

是也用當歸赤芍甘草大黃各等分每服三錢水半鍾煎三四分食後服亦效火丹發

於足踝者用葦葦葉搗赤遊風丹忽然腫癢流行

不止一處者是也此症至急救遲則死用雄黃五倍子各等

分爲末醋調塗之或用無名異爲末葱汁調塗立

消或用鉄銹水塗之即消或用新生荷葉搗爛入

鹽少許塗之即消

赤遊丹門主方

升麻葛根湯

治丹毒身體發熱面紅氣急啼叫驚搐等症

升麻

葛根

白芍

柴胡

黃芩

黑山梔

各一錢

木通

甘

草

各五分

水煎不拘時母子全服

大連翹飲

治小兒丹毒發熱痰涎壅盛一切諸瘡疹疹類



項生核或傷風寒時行發熱等症

連翹

生石膏

防風

荊芥

生甘草

滑石

黑山梔

當歸

瞿麥

車前子

木通

牛蒡子

赤芍藥

柴胡

炒黃芩

蟬蛻

各五分燈心二十根白水煎母子全服

消毒犀角飲

小兒丹毒身熱氣麓啼叫驚搐不寧等症

犀角

防

風

錢各一

甘

草

五分

川黃連

三分

燈心二十根全煎徐徐服之

紫雪散

治小兒赤遊丹毒甚者毒氣入裏肚腹膨脹氣急不乳即宜此藥救之又治傷寒熱燥發狂及外科一切蓄毒在內煩燥口乾恍惚不寧等症

升麻

羚羊角

石膏

寒水石

犀角

廣木香

沉香

各五錢

生甘草

八錢

玄參

二兩

水五碗全藥煎至一碗濾清再煎滾投提淨朴

硝三兩六錢微火慢煎水氣將盡欲凝結之時  
傾入碗內下硃砂永片各二錢金箔一百張各  
預乳細和勻碗頓水內候冷凝成雪也大人每  
用一錢小兒二分十歲者五分徐徐嚥之即效  
病重者加至一錢亦可或用淡竹葉燈心煎湯  
化服俱可

荆防散

赤丹遊走

荆芥

牡丹皮

防風

金銀花

牛蒡子炒杵 橘紅 生甘草 羌活

連翹 天花粉 玄參 赤芍藥

各等分水煎服

化班解毒湯

治三焦風熱上攻致生火丹延及遍身癢痛者

玄參 人中黃 知母

生甘草 石膏 牛蒡子

升麻 川黃連 連翹 各等分

淡竹葉二十片水煎不拘時服

針砭法

小兒赤遊丹毒紅赤焮腫遊走不定須急砭之  
用披針鋒尖向患上以烏木重筋在針上面擊之  
密砭去血多者爲妙血紅者輕紫者重黑者死砭  
畢溫湯洗淨用乾精猪肉縫大片貼砭處一時許  
方換如意金黃散以水芭蕉根搗汁調敷

搽藥方

石膏

密陀僧

雄黃

生大黃

各等分研細芭蕉根汁調敷

又方

臘月羊油熬搽並治凍圻

又方

萍萍草搗汁搽

又方

芭蕉根搗汁搽

又方

鼠粘根搗汁搽

綠袍散

漿豆 五錢

生大黃 二兩

生薄荷搗汁入蜜調塗

柏葉散

治三焦火甚致生火丹作痛作癢延及遍身

側柏葉 炒黃

大黃

蚯蚓糞 韭菜田內者佳

黃栢 各五錢

赤小豆

輕粉 各三錢

共爲細末新汲水調搽

當歸膏

赤遊丹驚掌瘋

當歸

生地黄 各一兩 木鱉子 去殼

大楓子 去殼

麻黃 防風

元參

紫草 黃柏 各五錢

用藤油半觔全藥熬枯濾去渣再將油復入淨鍋內熬至滴水成珠再下黃蠟二兩試水中不散爲度候稍冷傾入盞碗內坐水中出火毒三

日聽搽

奇方 湯氏

寵馬

即俗呼樟木虫

在寵內尋出活的去頭以白漿擦赤



遊丹上不過數次即愈

小兒赤遊丹胎毒

呂爾青

干脚泥一兩晒乾或烘加珍珠三分同研細菜油調敷腫處

又方 金雲章

穿山甲

炒炙

血

餘

煨即頭髮  
灰各等分

研末每服五分輕者三分黑糖拌滾湯調下

又方

芝蔴炒研油調敷大人小兒火丹俱神效

火丹遍身生遍形如水泡者

單方

用小兒胞衣瓶內水將雞毛掃上隨手而愈

犀角解毒飲

錢青榆

治赤遊丹紅腫遊走遍體壯熱不安

防風

荊芥穗

黃芩

各一錢

犀角

鎊

甘草

各五分

牛蒡子

微炒四錢

水煎頻服神效

又方

灶心土不拘多少雞子清調敷

又方

船底青苔爲末雞子清調敷

丹瘤

修真秘旨

草麻子五粒去皮研入麪一匙水調塗甚效

香瓣瘡門主論

申斗垣曰香瓣瘡又名浸淫瘡初生甚小先瘡後痛  
汁出浸淫濕爛肌肉延及遍身多生面上耳邊

啓玄

香瓣瘡門主方

面上耳邊香瓣瘡

殺羊鬚

荊芥

乾

棗

去核各煨  
存性二錢

研細入銀粉五分每用少許油調先以溫湯洗  
淨拭乾塗上即愈

鍊銀瘡門主論

李東垣曰鍊銀瘡卽面涇瘡是母受胎之日喜食酸

辣及邪味過度多生此瘡

精義

涇尻瘡門主論

申斗垣曰初生小兒綳縛手足顧下頰肢窩腿了內濕熱之氣蘊積涇爛成瘡此乃乳母看顧不到所致不可用他藥只用伏龍肝一味不拘多少研細乾摻以紙隔之

庚玄

面上熱毒惡瘡門主方

面上生瘡

胡粉

輕粉

松香各等分

研細雞蛋黃炙油調搽

面上熱毒惡瘡

馮氏

胡粉

黃柏炙

黃連各等分

研細猪油調敷

面上毒瘡初起

急尋水蛭蚰一二條用醬少許共搗塗紙上留一



小孔透氣貼上

暑痘門主論

胡公弼曰暑痘者乃暑熱襲於皮毛其形如痘圓淨根紅脹痛故有痘名

青囊

證

謂小兒因暑月烈日中戲嬉或坐日晒磚石或襁褓中受母暑熱相感皆能頭面叢生名曰暑痘施治之法內宜清暑利熱揀要害處敷消數枚切不可遍敷若一槩敷消則所感暑熱無從外解必致深入瘡痂勢所難免不可因其小而惑之

暑痘門主方

驗法

初起用飛羅麵放掌心內以旋吸并華水調稀滴  
暑痘上自消

又方

石蟹水磨敷自消

癰子門主論

將示吉曰此乃暑邪血熱所致初起不發寒熱高腫  
於皮膚之間淺而小最大不過一二寸者名曰癰  
俗呼癰子

說約

李東垣曰有因微熱外攻而發於皮膚之上高腫熱  
痛此熱癰也

精義

癰子門主方

驗方 精義

大黃

朴硝 各等分

爲末醋調敷

熱癰

五月五日午時取獨蒜切片貼眉心至夏不發

熱癰

菊花根搗汁無灰酒冲服癰在上身空心服癰在下身飽服自消

採二蚕桑葉滴下之水點上愈

頑癰不潰

人乳調白麵敷之不久卽潰

癰久不斂

白木槿花煨存性研末搽之

熱癰神效膏

麻油四兩熬成珠再入松香末四兩炒黃丹二兩

攪成膏攤貼

初起熱癰

枯礬研細香油調敷

頑癬久不出頭

生芭豆仁半粒全飯搗成餅貼癬上明日卽出膿

軟膿癰門主論

軟膿癰乃暑伏三陽因循延漫所致



軟膿癰門主方

翠玉膏

軟膿癰膿水逗流愈而復發

明松香

四兩

銅錄

二兩

棕猪胆

三個

蔴油

三錢

先將松香溶化入油令沸再下胆汁銅錄攪勻  
入水中以手扯拔去火毒磁盒收貯用緋光絹  
量瘡大小攤貼不必更換聽其自落

又方

草蘇仁

松香

各等分

搗膏貼之髮可復生

爛癬久不愈者

青石皮

鑄銅杓礮子

各等分

研細菜油調搽

又方

川銅錄

一兩研末

相油熬膏攤布上貼之即消

又方

红柿子皮貼之自乾

軟癰

大芋頭搗爛敷

又方

陳明瓦

天窻上者

煨研清油調搽

痢瘡門主論

痢子乃暑氣傷熱而生也

痢瘡門主方

痢瘡痛癢

菜豆粉

微炒  
四兩

滑

石

伍錢

研勻搽之

又方

雪水洗之隨洗隨拭

又方

黃瓜

即王瓜

切片擦之即愈

又方

石粉撲之良

痈子摩破成瘡生肌止痛

集驗

赤石脂

黃

栢

去粗皮

臘

茶

各五錢

白麩二兩

冰

片

五分

共研細棉蘸撲之

燕窩瘡門主方

燕士丹

申斗垣

烟膠一兩

燕窩土三錢

輕粉一錢

枯礬五分

共研細清油調搽患上神效

燕窩瘡門主論

申斗垣曰腦窩項後生瘡名燕窩瘡此足太陽膀胱經濕熱所生也 啟立

毒瘡門主論

錢青綸曰凡小兒百日內生瘡名曰毒瘡山胎毒所致從身漸延至頭齊眉癩遍則愈若從頭漸至腹者難治宜內服犀角丸以化其毒

勿科良方



葶瘡門生方

犀角丸 錢青瑜

治胎毒葶瘡

天竺黃

防風

羚羊角

全

蠲 酒洗

白僵蚕

羌活

明天麻

京墨

煨微烟為度

川黃連

犀角

膽南星

麻黃

西牛黃

各等分

為細末蒸餅打糊為丸芡實大硃砂金箔為衣

每服一丸薄荷湯下